

ESM Goh: 3 perubahan utama sedang mencorak S'pura

TERDAPAT tiga perubahan utama dalam demografi, teknologi dan jangkauan sosial yang sedang mencorak masyarakat Singapura, kata Menteri Kanan Emeritus Encik Goh Chok Tong (*gambar*).

Beliau menyifatkan proses perubahan jangka panjang itu sebagai "iklim perubahan sosial", di mana kesannya hanya dapat dirasakan lama setelah keadaannya tidak dapat diubah semula.

Lebih banyak kajian perlu di-

jalankan untuk membantu negara ini membuat jangkauan dan memenuhi cabaran sedemikian, kata Encik Goh.

Beliau berkata demikian semasa berucap di majlis pelancaran sebuah pusat yang menjalankan kajian khusus mengenai isu perkhidmatan sosial.

Pusat Kajian Khidmat Sosial Universiti Nasional Singapura akan bekerjasama dengan penggubal dasar dan agensi khidmat sosial untuk membangun dan

menguji program dan khidmat sosial.

"Saya dapat bayangkan pelbagai isu sosial... cabaran sosial bagi rakyat Singapura dalam 50 tahun mendatang jauh berbeza berbanding 50 tahun lalu," kata Encik Goh.

Satu isu utama ialah perubahan demografi. Singapura mempunyai penduduk yang semakin menua dan jumlah penduduk yang merosot. Terdapat juga trend perkahwinan antara pen-

duduk berbilang negara, rentas budaya dan golongan sosio ekonomi.

Satu lagi cabaran ialah penggunaan teknologi seperti alat mudah alih dan media sosial, yang mempengaruhi cara penduduk berinteraksi antara satu sama lain.

Lebih ramai rakyat Singapura kini menganggap mereka tergolong dalam kumpulan kelas pertengahan, ini juga boleh menyebabkan perubahan jangkauan sosial, kata Encik Goh.